



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Episcopo Zamorensi, & Mauricio Archidiacono Toletano, & magistro
Michaeli Canonico Segobiensi.

urn:nbn:de:hbz:466:1-20020

EPISCOPO ZAMORENSI,
& Mauricio Archidiacono Toletano, &
magistro Michaeli Canonico Segobieni.

Epist. 70.
De recipiendis
taliibus super
prescriptione.
Vidz supra epist.
69.

CVM Lupus procurator monasterij Oniensis proposuisset inter alia coronam nobis ad illud in suis Ecclesiis ratione cuiusdam transactionis inter ipsum & bonae memorie Viatorem Burgensem Episcopum olim initae parochiale jus integrè pertinere, ac venerabilis frater noster Burgensis Episcopus, successor ipsius, in eisdem quædam sibi jura parochialia vendicaret, nos eandem causam sententiæ curavimus calculo terminare, prout in aliis litteris ad vos directis plenius continetur. Sed cum lata sententia, procurator ipse ad probandum præscriptionem super quibdam articulis fuisse à nobis per beneficium in integrum restitutionis admisimus, cœpit nobis humiliter supplicare ut per integrum restitutionis auxilium cum ad probandum admittere dignaremur quod Burgensis Ecclesia ratum habuit & consensit ut Oniente monasterio in omnibus Ecclesiis quas tunc temporis possidebat, jus parochiale in integrum obtineret, sicut per quandam transactionem asserebat sibi fuisse concessum. Quocirca discretioni vestra per apostolica icripta mandamus quatinus recipiatis testes quos ultra libet pars super predicto ratihabitionis consensu duxerit producendos, & depositiones eorum super jamdicto recipientes articulo, quas per vos nulli penitus volumus revelari, penes vos reservetis fideliter confignatas, donec negotio super ceteris ventilato, de ipsius processu per vos rediti fuerimus certiores, & per nostræ responsonis oraculum qualiter in ipso procedendum sit declaretur, cum non hoc ipso quod testes super dicto capitulo taliter recipi volumus ad cautelam intendamus adhuc in integrum restitutionis auxilium monasterio indulgere. Volumus etiam & mandamus quod si causam eandem ad nostrum remiseritis examen instruamt, arrestationes hujusmodi simul ad nos cum aliis remittatis. Quod si non omnes &c. duo vestrum &c. Datum Laterani Nonis Maij, pontificatus nostri anno tertiodecimo.

AVRELIANENSI EPISCOPO,
& Eleemosyna Cisterciensis &
Bonnevallis Abbatibus.

Epist. 71.
De electione
Abbatis S.
Aviti.

CVM post alia circa quæ super correctione monasterij sancti Aviti de mandato nostro provide processisti, Abba-

tissam ejusdem loci, prout erat exigente justitia faciendum, ab administratione suspensam excommunicationis quoque vinculo curaveritis innodare, ad depositum ipsius, quamvis expedire plurimum videretis, propter appellationem quæ ab ipsa dicitur interposita, sine convenientia nostra, sicut accepimus, procedere dubitatis. Quia igitur intelleximus Abbatissam prædictam à monasterio ipso merito amovendam, eaque ibi presidente vel residente, statum præfati monasterij commodè reformari non posse, discretioni vestre per apostolica scripta mandamus quatinus eidem ab ipso prorsus amotæ, juxta quod ordinis & statui suo congruit, auctoritate nostra sublato appellationis obstatu provideri alibi facientes, injungatis foronibus monasterij supradicti ut per regularem electionem sibi præficiant personam idoneam in retriectem. Quod si non omnes &c. tu frater Episcope &c. Datum Laterani v. Nonas Maij, pontificatus nostri anno tertiodecimo.

HERVEO TRECENSI EPISCOPO.

Dilecto filio nostro Petro tituli sanctæ Pudentiana Presbytero Cardinale dilectis filiis R. de Avalon Cellario Senonensi & R. de Noa Clerico procuratori tuo auditore conceffo, idem Cellarius proposuit coram eo quod cum bona memoria Guillelmus Remensis Archiepiscopus, tunc apostolica sedis Legatus, ad Trecensem accessisset Ecclesiam, in qua G. nepotio suo præbendam concedere intendebar, cum nulla penitus vacaret ibidem, dictus Cellarius, non tam ei quam nobis etiam cupiens in hac parte placere, præbendam quam in ipsa obtinebat Ecclesia in ejus manibus resignavit. Qui liberalitatem ejus volens postmodum grata vicissitudine respondere, de Capitulo Trecensis assensu, præsente quoque venerabili fratre nostro Senonensi Archiepiscopo, tam præfatum nepotem suum quam etiam Cellarium in Canonicos Trecenses instituit, & ambobus idem Capitulum stallum in choro & locum in Capitulo assignavit. Quibus idem Remensis Archiepiscopus fructus supradictæ præbenda tamdu dividendos communiter assignavit donec præfatus G. integrum esset præbendale stipendium assescutus, in eos qui contravenire præsumerent excommunicationis intentia promulgata, quorum receptionem generalis procurator bona memoria prædecessoris tui in Constantinopolitanis partibus